




REPUBLIKA E KOSOVES/REPUBLIKA KOSOVA/REPUBLIC OF KOSOVO	
AGJENCIA KUNDER KORRUPSIONIT AGENCIJA PROTIV KORRUPCIJE ANTI-CORRUPTION AGENCY	
Dep. Dep. Dep.	2-0/DPK
Nr. I faq. Broj stranica Nr. pages	62
Nr. Prot. Br.Prot. Prot No.	01-1652/14
Data Datum Date	12.05.2014
PRISHTINE	



Republika e Kosovës
Republika Kosova - Republic of Kosova

**AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI - CORRUPTION AGENCY**

Duke u bazuar në nenin 11 paragrafi 1.1, nenin 5 paragrafi 1.5 të Ligjit nr. 03/L-159 për Agjencinë kundër Korrupsionit, nenin 18 paragrafi 4, 8 dhe 12 të Ligjit Nr. 04/L-051 për Parandalimin e Konfliktit të Interesit në Ushtrimin e Funksionit Publik, si dhe nenin 26 të Rregullores së Punës të Agjencisë kundër Korrupsionit, Drejtori i Agjencisë kundër Korrupsionit me datë 02.05.2014, nxjerr këtë:

V E N D I M

- I. Ekziston konflikti i interesit** në rastin nr. AKK-03-1058/14, për z. **Tasim Gubetini** – Asambleist komunal në Kuvendin e Komunës së Vushtrrisë.
- II. Agjencia** do të kërkoj fillimin e Procedurës për Kundërvajtje nga Gjykata kompetente.
- III. Të gjitha vendimet që i nxjerr Agjencia lidhur me konfliktin e interesit bëhen publike në ueb faqen zyrtare të Agjencisë.**

A r s y e t i m

- I. Bazuar** në Ligjin për Parandalimin e Konfliktit të Interesit në Ushtrimin e Funksionit Publik nr. 04/L-051, neni 15 paragrafi 1 dhe 3, si dhe në bazë të Vendimit nr.03-4778/11, është rihapur rasti nën dyshimin e bazuar për Konflikt Interesi për zyrtarin e lartë, z.Tasim Gubetini – Asambleist komunal në Kuvendin e Komunës së Vushtrrisë.

Me datën 19.02.2013 Zyrtarit të Lartë i është bërë shkresa e parë njoftuese me të cilën Agjencia ka njoftuar atë se ka filluar hetimin lidhur me dyshimin e bazuar për situatën Konflikt Interesi në ushtrimin e funksionit publik. Pas kësaj shkresë Zyrtari i lartë është paraqitur në Agjenci, në ballafaqimin e fakteve, në takim me zyrtarët e Agjencisë.

Në këtë takim ztr.Gubetini ka shfaqur dyshimin se kjo situatë është konflikt interesi dhe ka deklaruar se nuk ka pas informacion për një gjë të tillë. Ndërkohë ai është zotuar se do të konsultohet dhe do të bëjë zgjedhjen në përputhje me ligjet në fuqi dhe brenda afateve ligjore.

Por meqenëse një gjë e tillë nuk ka ndodhë, atëherë Agjencia kundër Korrupsionit, sipas procedurës së paraparë ligjore, i ka bërë edhe shkresen e dytë paralajmëruese me afatin 15 ditorë për të shmangur konfliktin e interesit në ushtrimin e funksionit publik.

Pastaj me datën 07.06.2013, Zyrtari i lartë - ztr. Gubetini në Agjencinë kundër Korrupsionit ka sjellë dëshminë se i ka bërë Kërkesë Kuvendit Komunal në Vushtrri për dorëheqje nga funksioni i Asambleistik komunal, për shkak se njëkohësisht ushtron edhe funksionin tjetër menaxhues ne Bankën për biznes në komunën e Vushtrisë.

AKK ka marr konfirmimin zyrtar edhe nga Kuvendi Komunal në Vushtrri për dorëheqjen e atëhershme të Asambleistik komunal ztr. Tasim Gubetini, me çka është shmangur situata konflikt interesit.

Por, në zgjedhjet komunale 2013, ztr. Gubetini përsëri fiton pozitën e Asambleistik komunal në Vushtrri duke ushtruar akoma funksionin e Mbikqyrësit të nëndegës së BpB-së në Vushtrri (DPKI-03-1449/14) duke e ditur se nga e njejtë pozitë kishte dhënë dorëheqje mu për shkak të konflikti të interesit.

Duke qenë se zyrtari i lartë, ztr. Tasim Gubetini ka qenë i njoftuar me procesin e shmangies nga situata konflikt interesit konsiderojme se ky rast është përserituar prandaj lëndën e përcjellim për Gjakten kompetente.

II. Sipas Ligjit për Parandalimin e Konflikti të Interesit në Ushtrimin e Funksionit Publik (Nr.04/L-051) Neni 20, pika 1, “*Çdo shkelje e detyrimeve të përcaktuara me këtë ligj, kur nuk paraqet vepër penale, paraqet kundervajtje dhe dënohet me gjobë sipas kufijve të përcaktuar në paragrafin 1.1, 1.2 dhe 1.3*”.

Sipas Nenit 20 pika 2, “*Për shkelje të detyrimeve të përcaktuara me këtë ligj, zyrtarit të lartë publik, udhëheqësit apo drejtuesit të institucionit udhëheqës, përveç dënimit gjykata mund t'i shqiptoj edhe masën mbrojtëse; ndalimi i ushtrimit të funksionit publik në kohëzgjatje prej tre (3) muaj deri në një (1) vit*”.

III. Sipas Nenit 18 parografi 12, të gjitha Vendimet që i nxjerr Agjencia lidhur me konfliktin e interesit bëhen publike në web faqen zyrtare të Agjencisë.

Andaj u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik
- Drejtorit të DPK-së
- Z./zpj. (zyrtari përgjegjës)
- Z./ zpj. (zyrtari ndihmës)

Drejtor i Agjencisë kundër Korrupsionit

Hasan Preteni

